

明詩正聲

自十四
至十八
尾大

柳田文庫

文庫11

D 174

4



文庫11
D174
4

明詩正聲五言排律目錄

總一卷

柳日泉

高啟 一首

徐賁 一首

林鴻 三首

姚廣孝 一首

李夢陽 三首

何景明 二首

徐禎卿 二首

邊貢 一首

孫一元 一首

薛蕙 三首

王廷相 一首

唐順之 一首

楊慎 一首

王廷陳 一首

李攀龍 二首

李先芳 二首

謝榛 五首

王世貞 四首

王世懋 二首

穆考功 二首

明詩正聲

五言排律

卷一

010190557850

48-12107

吳國倫 二首

梁有譽 三首

張九一 二首

黎民表 一首

李化龍 三首

右得二十五家共詩五十首

明詩正聲五言排律目錄終

明詩正聲卷之十四

漆園 穆光胤 仲裕 刪訂

澹淵 陳素蘊 仲獻 校刊

五言排律

高啟

月夜遊太湖

欲尋林屋隱。還過洞庭遊。遠水初涵夜。長天盡作秋。
湖如青艸瀾。月似白蓮浮。萬壑風傳笛。三更斗挂舟。
華應隨鳥散。山欲趁波流。浩蕩吾何適。臨夷不可求。



徐賁

送人之吳江

垂虹橋下路。此地隔江湖。沙樹應多禡。寒魚半是鱸。
風將菱唱遠。舟帶夕陽孤。離別琴三疊。悲歡酒一壺。
不堪憶君處。烟雨滿秋蕪。

林鴻

賦得征馬嘶送李將軍出塞

俠客紫驂驅。翩翩欲遠遊。王禾初秣曉。金勒迥鳴秋。
思入雲沙遠。途經雨雪愁。將風殘木葉。摧月下城樓。
僕御皆惆悵。賓朋互唱酬。看君憑汗血。行矣取封侯。

冬日同林秀才遊竹真觀

蓬島烟霞合。琳宮日月開。洞陰常積雪。地古半藏苔。
竹已成龍去。人因訪鶴來。欲飛王令鳥。且醉葛洪杯。
果熟經時換。炊香待夢回。晴光偏悅鳥。臘色尚欺梅。
意靜寒泓水。心同槁木灰。鳳笙如可學。吹月上瑤臺。

同黃貢士登清冷臺觀月

山川收絕靄。雲氣上高臺。共是吟秋客。還同看月來。
衣冠林藪逸。詞賦栢梁才。山鬼驚聯句。沙禽避洗盃。
河低全拂樹。■ 稍滋苔。海上鮫人出。雲中桂子開。
樂遊良夜劇。高興昔人諧。歸去竹溪上。看雲首重回。

明詩正

卷之十四

全宋文

姚廣孝

新柳

鳥影臨江郭。依依傍苑牆。眼舒春後雪。眉蹙曉來霜。
鬢無腰爭細。鶯遷色並黃。低垂連艸帶。亂拂和梅香。
雨滯枝猶弱。烟牽縷共長。隨堤千萬樹。日斲意妻京。

李夢陽

冬至劉氏園庄十韻

曖曖寒城曙。縣縣野徑紆。初陽升古戍。白露靜園蕪。
歎客琴尊立。開堂松樹孤。登高望雲物。極目散江湖。
孟澤蛇龍伏。芑山鴈鴛呼。行藏虞氏傳。勳業阮生途。

且盡留連飲。休嗟序運征。羣蟲迎節動。百卉待春榮。

日月悲羈旅。乾坤識故吾。寄言招隱者。斯地有潛夫。

鄱陽湖十六韻

太祖平陳日。樓船下此湖。波濤留壯色。天地見雄圖。
水上開黃屋。雲中下赤烏。士猶詢後載。戈已倒前徒。
力屈鯨鯢仆。聲回鴈鷺呼。橫江收玉箭。誇海定金符。
文軌遙通楚。榜航訖至吳。虎賁雖莫敵。龍戰豈全辜。
血流猶丹艸。骨沈空白蕪。汀洲夜寂寂。霜月鬼嗚嗚。
殺氣龍鼉徙。腥風鳥嶼孤。曾人拾古鏃。艇客慨秋菰。
偉彼高光烈。還將蕭鄧須。英雄協處算。勇奮想長驅。

明詩正卷

卷之二十四

七

李夢陽

鈿蔭神仍王舟焚勢與祖康山魏廟在忠武激頑夫

華嶽二十韻

有嶽雄西土三峰棟渭川省方朝白帝分野障金天
逝矣威靈赫設哉秩望虔百王開寶錄七聖演瑤編
綺殿丹青列文窗俎豆聯風雲蒸大壑日月遊層巖
鸞舉天門闢蒼蛙地軸旋崑巒莽翁杏嶺嶂鬱聯翩
猿掛仙人掌蘿飛玉女泉霞雰夕夕的鑠錦繡曉相鮮
葛藟崑崙金壁芝苓冒紫烟石膏滲復結鍾乳滴猶懸
右廡奉胡壯南包漢鄧偏徒追散馬日緬憶祖龍年
箭括通神戶雲臺秘妙筵豈惟棲鳳侶亦以越鴻賢

方士騎茅狗宮人採石蓮舉惟瞻窈窕杜務悵琴絲
陰井激雷馭陽崖起電鞭聊遊凌絕頂不為學神仙

何景明

寄邊太常

不薄淮陽守翻辭大省寮聯翩追近地奉引憶先朝
日月旂常動星辰劍佩搖漢儀瞻鹵簿虞樂典蕭韶
雅識懷金奏同遊倚玉鏢登身殊道路回首隔雲霄
鸞翮終難綴鸞遷本在喬九苞應不遠覽德是何朝
郊觀二十二韻

今代園丘地天開壯麗區神祇二后配禮樂百王殊

制作由皇祖。儀章藉光儒。萬靈欽受祀。七聖亶承圖。
柴望兼虞典。登封略漢模。魏基錯采繪。法象備堪輿。
丹戶乾坤闕。雕牆海嶽扶。瑤壇上星斗。琳觀俯虛無。
輔弼朝玄座。勾陳衛紫樞。風含浴殿暖。雲氣露盤孤。
好時瞻春祀。高高聽夜呼。公侯守禁籞。虎旅發金吾。
玉輦臨儀宰。珍饈走膳夫。廟懸鏞鼓列。庭舞羽千趨。
俎豆聯周室。圭璋飭夏瑚。祠官足錦繡。道士住蓬壺。
澤州三花綻。宮霞五色敷。時時聆磬管。鬱鬱鎖松梧。
日月藏金櫃。龜龍祕赤符。祈天洪洛誥。渡海斥秦誣。
杜甫唐二禮。班生漢兩都。侍臣從此賦。千載頌文吳。

徐禎卿

題唐氏園池

堂上琴書暇。名園愜宴游。綠陰交樹石。白水散田疇。
林步常驚鳥。沙眠且狎鷗。開軒桑柘接。當徑柳花幽。
野老時相過。村醪擬共甌。陶然菊松下。秉興足淹留。

靈隱寺贈靜公

聞有千年寺。長松信許深。中虛半樓閣。落日更登臨。
舟楫窻中小。藤蘿天際陰。江流明暮靄。石澗響空林。
蟠據雄都會。風烟異古今。幽真予有慕。詩義爾能尋。
雲翼無言健。淵魚本自沈。終期白蓮社。來就玉山岑。

邊貢

游仙詞贈李羽人擬初唐體

碧落新移牒。玄津魁繫棧。天臨北斗地。人住上清家。
樹古金壇靜。花淡玉洞斜。靈砂飛絳雪。仙醴注青霞。
緱嶺音書密。函關道路遐。日明蒼鶴羽。風度紫鸞車。
幾見桃成實。重聞海變沙。瑤牕禮星夜。間坐讀南華。

孫一元

出塞

四塞黃雲接。西征更北征。饑鷹掠地去。駿馬咆空鳴。
出積河聲咽。抱關山勢橫。風生聞感栗。月黑見欃槍。

柳陰獨聽語。雲間獵火明。旋以白登路。暗看黑山營。

鼓角三邊肅。能籠萬里行。提攜玉龍起。擬歛報明廷。

薛蕙

夏日郊居偶書十韻

郭外漁樵徑。丘中隱遁居。閉門三伏日。堆案數幽書。
俛仰歲過半。登臨興有餘。賞心吟不愜。物色畫難如。
高閣雲峰麗。橫塘水鏡虛。颼風搖綠澤。落景歛紅蕖。
滿眼多情在。雙眉一笑舒。壺觴祇自酌。魚鳥盡相依。
衰疾宜調護。紛華更掃除。永辭朝市客。高臥枕田廬。

送周侍御子賢

萬里荒荆路。次州百越南。懸梯穿鳥道。流沫下龍潭。
赤阪龍龜出。玄崖日月含。虹霓蒸海氣。烟霧洒春嵐。
飛鶴綠簷竹。垂猿墮石楠。橘花香細細。藤刺綠毵毵。
嶺外青驄馬。臺中白筆簪。秦冠高鎖柱。漢節照金函。
行邁應多暇。登臨素所耽。江山增藻思。物色佐清談。
送遠方無緒。憂時且不堪。安危庭誦地。遲子促朝參。

歲暮田居寄子雲希尹

踈散棄簪裾。歸休依井閭。自知非宦侶。雅意是閒居。
伐木構新宇。種苗開舊墟。踟躕寄農圃。出入偶樵漁。
歲晏風霜早。田家耕穫餘。空墻懸耒耜。敝篋貯詩書。

談笑過隣父。喧呼避里胥。縱衣添敗絮。酌酒釀枯
楊子貧猶在。嵇生懶未除。駕馬驂忘。踏墜落羽謝吹噓。
嘿嘿寡同調。悠悠無起予。近來思二仲。相念復何如。

王廷相

郢上答方思道

雲夢千重澤。荆門萬疊關。思君共舟楫。乘月弄潺湲。
初擬板橋會。今成訪戴還。錦魚空問訊。風馭杳追攀。
楚塞通三峽。湘江遶百蠻。丹霞同華頂。靈艸似商顏。
湖聽軒皇樂。峰迎神女鬟。散心雲水內。招隱薜蘿間。
興逸幽探遠。木高官事閒。定攜蓬島客。遊盡郢西山。

唐順之

嵩陽宮栢

嘉樹植崆峒。年長勢更雄。已無秦帝幸。尚有漢皇封。
幹比孤生竹。根猶半穴洞。靈泉玉女灌。甘雨嶽神通。
葉密鶯難度。枝移葛易蒙。垂陰九壑帳。弄影五雲宮。
色掩重囂翠。聲含衆竅風。賓來虬蓋偃。仙去鶴巢空。
非是不材壽。春秋未可窮。

楊慎

崇聖寺

塵劫非人境。烟霞是佛都。山開銀色界。海涌玉浮屠。

追尋形猶壯。伽藍跡已蕪。經函飄粉蠹。畫壁剝天
零。雨頽墻艸驚。風廢井梧禪。心隨夜寂旅。望對秋孤
遠。日窮千里頓。懷劍百壺狂。歌意無極感。此歲云徂。

王廷陳

出獄留別主人兼欲有資

良途殊倚藉。岐路暫相看。生歎交情見。飄零客計難。
原思寧是病。范叔果非寒。有玉嗟三獻。無金報一餐。
涸鱗斗水活。窮鳥一枝安。莊鳥吟何功。馮驩歌未闌。
平生流水引。不惜向君彈。

李攀龍

夏日張茂才枉林園

當時河朔飲。未必勝陶家。古井層陰合。虛亭落日斜。
歌暮來凍雨。散帙映明霞。樹轉雙文鳥。盤浮五色瓜。
清談開暑氣。白髮望冰華。更有忘憂艸。能回隱士車。
經華巖廢寺。為虜火所燒。

醜虜殊猖獗。諸僧坐捨遷。無方超寂滅。有地入烽烟。
境壞秋原上。門空暮雨邊。虛聞金作粟。真見火生蓮。
星影疑纓綴。雲光學蓋懸。焚身香象泣。照鉢燭龍然。
莫辨沈灰劫。猶傳暎酒天。至今餘淨土。不復一燈傳。

李先芳

秋懷

一葉哀江下。千山秋氣侵。遙聞青海箭。又度黑山陰。
飛檄傲臯騎。材官出羽林。南州襍旱魃。東郡逐田禽。
釀饗邊塞阻。煌煌京洛深。椒房宵度瑟。榆塞日縱金。
漆室前年恨。波臣萬里心。不能甯魏闕。北望淚沾襟。
初入天壽山望七陵作

軒皇開涿鹿。文祖建幽燕。鼎定乾坤位。山迴日月懸。
百靈朝洞府。千騎擁臺泉。樞斗羣龍抱。鈴符五鳳旋。
玉聲連廣陌。金井結重玄。祝帛崇虞興。衣冠捧漢年。
澗蘋薦秋水。巖菊報霜天。歛芬仙城下。松杉起曙烟。

謝榛

塞下

路出古雲州。風沙吹不休。烏鷺下空碛。駝馬渡寒流。
地曠邊聲動。天高朔氣浮。霜連窮海夕。月照大荒秋。
擊鼓番王醉。吹笳漢女愁。龍城若復取。俠士幾封侯。

妙應寺

殿宇獨嶙峋。披雲興益新。重來布金地。不見雨花人。
湖近龍時出。宮空鶴自馴。磬聲山正午。艸色路猶春。
浩劫殊無極。浮生會有因。可憐倦游客。空自老風塵。

送庫部楊郎中守嚴州

其說新都勝。今推良牧才。揚帆征鴈盡。領郡早梅開。
江到桐廬合。山從天目來。雲寒伍胥廟。月白子陵臺。
千古乘驂過。行春露冕回。長安懷舊好。天素幾時裁。

登天事寺塔

舍利藏千古。靈光夜夜開。蒼高色界盡。天近法雲來。
鶴自虛空轉。龍將風雨回。地形標疊嶂。河勢見三臺。
徒向人間老。溪慚鄴下才。今從遠公社。登眺思悠哉。

庚戌八月恭聞奉天殿視朝

上苑涼颼起。西山瑞霧濃。玉珂天漢路。金闕午時鐘。
劍佩爐香近。旌旗日影重。宮墻落楊柳。水檻出芙蓉。

萬舞趨丹鳳。千官識來龍。遙傳北伐詔。光耀紫泥封。

王世貞

焦山作

勝地幽能闕。奇探倦轉豪。一丸分鐵甕。雙柱是金熬。
湖。歷。樓。臺。小。雲。含。薜。荔。高。中。峰。帶。海。色。半。壁。漱。春。濤。
僧。飯。齋。特。得。鄉。愁。醉。裏。拋。欲。尋。焦。處。土。今。古。只。蓬。蒿。

過天寧寺望塔有作

浮圖墮寶額。舍利漢金人。龜捧雲扶象。龍蟠海藏鱗。
躡空依日月。飛界隔風塵。縹緲遙疑幻。峻嶒近復真。
霞標象外矗。玉樹望中新。萬劫留真相。諸天護法輪。

謝茂秦盧次梗請余於魏郡有作

命駕俱千里。銜杯問各天。文章一言合。姓字兩生傳。

貫日荆卿七。飛霜鄒氏篇。壁還新去趙。金盡舊游燕。
偃塞中原竝。縱橫處士偏。青雲折箕踞。白日助高眠。
老盡人間態。貧操物外權。酒徒吾敢後。詞筆爾爭先。
竹寫淇園色。花吟大陸烟。拂衣從此別。爲約五湖邊。

寄于鱗二十四韻

回顧密橙首。中原獨撫膺。月寒青海鴈。風偃赤城鵬。
道路逢他輩。聲華亦可憑。強爲知己語。敢竝故人稱。

憶自唯吾汝。相逢屬廢興。舟聯私郭泰。樓臥仰陳登。
落月過三市。高秋問七陵。河奔浩奔蕩。嶽削重峻嶒。
沒羽真疑虎。踈鞬乍縱鷹。風烟身許混。天地目頻瞢。
俗就誰心折。篇成豈價增。直於貧賤共。狂得古今憎。
額表梁公實。山東李伯承。宗徐少卓犖。榛也老飛騰。
獨往時難遇。橫行意頗矜。英雄方識爾。躑躅有來朋。
眉。字。千。年。色。襟。期。萬。壑。水。過。從。原。不。偶。聚。散。忽。因。仍。
別。路。人。如。織。微。官。我。獨。繩。孤。棹。春。氣。迥。雙。劍。斗。文。疑。
翦。醉。懷。翻。切。浮。沈。道。鮮。能。暫。歸。依。酒。伴。隨。泊。訪。漁。燈。
此。物。期。終。遇。生。予。或。可。徵。亦。知。疑。白。壁。伐。爾。任。青。蠅。

王世懋

小齋偶得紅白梅花三種適拱辰大理文
融客部見過留酌賦得洲字

崇蘭出幽谷。杜若在芳洲。那得京華地。翻成庾嶺游。
披襟失塵態。選勝得名流。色似催三白。香能避五侯。
綠樽時映帶。瓊樹共淹留。近夜疑鄉夢。先春破客愁。
羊何同調者。東閣句應酬。

初入奉常中有述

管為蘭省吏。曾賦白門行。碧柳多垂地。青山半在城。
再來尋舊蹟。一往倍關情。柳似含新待。山疑擁翠迎。

琴書還夙好。禮樂與空名。傲吏元安散。陪卿亦自清。
官間入署少。地近主家輕。應有厨中酒。齋時且莫傾。

穆考功 諱文熙

八月見萱花

惟爾心憂艸。秋來花始妍。便娟承玉露。綽約媚金天。
直欲齊松菊。無辭吐後先。畫隨椿並茂。色借黛還鮮。
叢桂荒烟畔。片鴻涼雨邊。北堂有壽母。好獻舞衣前。

歲晏感懷

歲序倏云暮。孤懷黯自傷。三冬餘積雪。一線漸回陽。
世事蹉跎裏。人情戲劇場。廢來堪笑鳳。悟後識人忙。

憶昔以楚醴。相將有石郎。批鱗驚日月。排闥犯風霜。
神武冠同挂。鳴夷舟並藏。千秋業始奮。萬里友成行。
汝水來三甫。吳天駕二王。少卿連漢上。司馬飾銅梁。
日日郵筒遞。時時戰壘張。風雲天地合。意氣古今揚。
天霽爭馳驟。建安或頡頏。蔚矣三朝盛。溘然數載凶。
虞卿獨閉戶。河朔罷傳觴。門自翟公靜。徑從仲蔚荒。
甘心投魯墨。寄興借柴桑。書就青山富。俠韜紫劍光。
有兒操翰墨。無女費奩裝。盧嶽心方遠。宗琴意更長。
何時命拄杖。雲水共茫茫。

吳國倫

與子相飲遲元美

春事忽云暮。浮生安醉中。鳴珂燕市滿。看劍薊門雄。
策足慚吾蹇。揮毫見爾工。髮知何日白。花自上林紅。
樹擁飛鷗月。天回岸幘風。登樓有奇思。未與仲宣同。

冬日述懷示元美

偃蹇誰青眼。飛揚獨素毫。途窮羣態見。物役此身勞。
趨走偏雞舌。聲華忝鳳毛。異時難遽料。清世敢言逃。
楚璧甘入棄。齊竿恥自操。誰能栖枳棘。只合臥蓬蒿。
多事容歌枕。孤懷且濁醪。閉門惟藥裹。扶杖即蘭皋。
郎署還持戟。名家有佩刀。寸心歸鮑子。尺牘謝山濤。

出外久期在。風霜病骨高。斯文未應喪。天豈厭才高。

梁有譽

咏秋鴈

朔氣正凄凄。南飛路不迷。聯翩高柳北。搖曳上林西。
薄露行時斷。穿雲影乍低。不愁霄漢迥。自顧羽翰齊。
風急還雙起。沙寒不獨棲。堪悲覆巢者。相向繞湖隄。

賦得臨池柳

拂岸青陰合。含烟翠色稠。聲從笛裏聽。影傍鏡中浮。
水與柔情漾。波將舞態留。腰肢憐楚細。眉黛學孫愁。
濯濯恆籠霧。依依詎耐秋。堪憐張緒去。誰復擬風流。

妙高臺謁蘇文忠公像

長公不可作。遺像見手標。臺按丹丘月。門臨滄海潮。
一宮空白首。十載爲青苗。玉簡芳名紀。瑤編綺思饒。
感時真慕賈。著論每交晁。伊昔金蓮遇。何年斷梗飄。
投珠人共惜。毀壁禍難銷。舊蹟嗟夷漫。荒祠更寂寥。
砌閒衰艸積。牖暗暮雲彫。哀些難成調。忠魂詎可招。
丹青猶講講。松檜已蕭蕭。漁火連江暗。霜鐘振壑遙。
旅懷多感激。行矣寄長謠。

張九一

飲伯庸奉常亭

地引東山屐。春生北海尊。葦湖浮畫棟。瓜地隔青門。
雙燕衝簾語。羣峰入戶橫。艸芳王粲宅。花抱武陵源。
曉霧文玄豹。寒煙嘯白猿。池龍堪化杖。階鶴可乘軒。
人帶食霞色。巾餘漉酒痕。賦傳十二峽。書著五千言。
避世初依柱。忘憂或藉萱。風塵難出處。流落信乾坤。
染竹成湘淚。衣蘭似楚魂。會當因病免。歸臥茂陵園。
舟夜次石磯頭。垂溺覓得沙洲。尺許遲明
乃濟。

放船大自好。落日故相催。雲氣俄驅墨。江聲驟輾雷。
天傾三峽倒。潮擁伍胥回。吹浪頭俱白。揚塵心與灰。

鵬初搏夢澤。王豈御蘭臺。細楸隨飄梗。扁舟只渡杯。
巢堪鷓鴣借。門許鷓鴣來。自是仙人態。非關帝女災。
楓杉秋色苦。鼓角夜聲哀。漸覺千峰曙。驚魂偏綠苔。

黎民表

遊東山真覺院

鹿園板絕徑。鷲嶺逼諸天。樹杪驚新瀑。花間滴暗泉。
密輪承曉日。金鐸韻秋烟。戒具蓮花棒。經文具葉聯。
地從初劫造。僧是幾燈傳。任想猿心伏。忘言象教詮。
東遊誰小魯。北望我愁燕。願就靈岩宿。餐霞度世緣。

李化龍

贈鄭公子

春艸王程外。胡沙帝座傍。窮途人自苦。良晤興偏長。
濁世佳公子。名家白面郎。芝田三秀馥。桂樹九秋芳。
把臂林成竹。披襟國有香。鶯花陪笑語。雪月遞池塘。
鳳管題嵇叔。人今得季方。風塵隨馬首。幽意未能忘。

靈岩寺十韻

攬秀山全勝。探奇客再尋。慈雲開覺路。佛日上初林。
淨域三天曉。空門十里陰。松樾僧化石。種福地生金。
高閣看人代。方池閱古今。鐵衣留幻相。崑竇見禪心。
峰合規天小。臺高貯月深。清泉雙鶴舞。老檜萬龍吟。

聞寂泐塵慮清虛心素襟歸欣欣有託慙愧未抽簪

棧道二十韻

險絕驚初見。開通是幾年。有山皆敵首。無樹不參天。
疊嶂紛相補。崩崖勢欲騫。高標低萬象。幽境際三泉。
鳥道臨深谷。羊腸入亂烟。馬行圖畫裏。人宅翠微邊。
斷嶮經僧立。危巒佛刹懸。龍秋朝競渡。虎穴夜分眠。
迴首羣峰盡。驅車九折旋。橋偏石啣足。徑窄柳垂肩。
雨過千岩瀑。風生萬籟傳。樵歌和語鳥。客淚灑啼鵑。
古栢簇如薺。哀猿小似拳。陰森疑嘯鬼。縹緲類登仙。
斫月分蘿徑。鋤雲種芋田。乾坤歸歷覽。參井坐攀緣。

地闢秦皇後。關封漢帝前。應從大禹鑿。浪說五丁穿。
九域遙吞吐。千洲近接連。會須窮及步。取冠遠遊篇。

明詩正聲卷之十四終

明詩正聲七言排律目錄

王恭

一首

王侔

一首

李夢陽

一首

何景明

二首

李攀龍

一首

謝榛

一首

王世貞

四首

穆考功

一首

徐中行

一首

張九一

一首

右得十家共詩十四首

明詩正聲七言排律目錄

明詩正聲

七言排律

全文館藏

埋幽艸。開土禪扉。閉古藤。荒殿鳥啼。時近榻。香臺猿
臥。夜窺燈。老來行止愁無地。病後懽懽。愧有朋。明發
別離方外去。何時清興又同乘。

王偁

暮雲春樹送張謙

岐路逢君賦遠遊。傷心雲樹粵江頭。輕陰向夕花前
度。秀色將春雨外浮。卻訝梁園看漸杳。恍疑巫峽散
還收。白衣靄靄迷征旆。翠幄籠籠引去舟。惜別不緣
今日賦。高情那記昔人留。遙連蜃氣江東暝。迥帶猿
聲渭北愁。夢覺微茫沙上驛。醉來掩映水邊樓。官情
已共青霄永。別思密隨綠水流。若到上林成五色。不
分餘蔭及南州。

李夢陽

五日蔡河廢津汎集

當年錦纜帝王州。此日荒津競渡遊。賓客未銷梁花
氣。江山聊寫汨羅愁。流金赤日偏輸浪。似益輕雲故
翼舟。魚聽歌鐘沈復躍。燕窺舞袖去還留。調冰雪藕
佳人竝。斷艾分蒲上客席。出溜只疑天上轉。沂泗直
在鏡中浮。陰陰暝色鳧鷺岸。嫋嫋風香杜若洲。醉裏
驚聞催在棹。別船追進不從羞。

明詩正聲

卷之十五

二

奎文館藏

何景明

平夷所老人

平夷老人髮兩肩。哀哀淚落古城烟。歲收斗粟輸田賦。日向諸鄰乞米錢。風雨饑寒趨路側。子孫流落避兵年。青春有伴難還土。白首無家尚戍邊。官裏征徭何日已。軍中苦樂古來偏。魂驚戰鼓心猶怯。臂中飛弧肉盡穿。獨去負戈巡夜砦。誰來餉甲種春田。朝廷德意思柔遠。閩幄謨猷在識先。夷狄本爲王者外。卒徒能受師師憐。敢愁溝壑填衰謝。只擬封疆息穢權。我願麾前法唐將。籌邊有策到今傳。

寄李郎中

星辰畫省鳳凰池。同接金門白玉墀。庭樹書聞寒碧暮。死花春好並金羈。西京車馬誰言樂。東漢衣冠忽已悲。萬里艱難歸故土。兩鄉迢遞限雲遙。青冥翅人皆惜。白日批鱗世所知。天上神仙元有謫。古來賢聖本多危。陸機入洛名逾盛。司馬游梁賦益奇。海內競傳高士傳。朝廷誰訴黨人碑。齊堂雷震冤臣出。魏闕天高獄吏欺。千古灰灰安國淚。萬年災異廣川辭。虞羅亦放冥飛鳥。上獵何煩後載羅。得失竟須如塞馬。榮華終不易塗龜。嗟予蹇拙慚君匹。念汝風流實

我師索處自應思故舊。生涯今已笑支離。遨遊昔未
登龍會。驚下深懷附驥思。貢禹王陽同出處。鍾期伯
子。是交期。河陽雲樹情俱苦。滑曲烟花願豈遲。回首
西山多寇盜。扁舟南國有旌旗。腐儒潦倒愁溝壑。遊
子飄零在歲時。路阻時危難會面。不禁滄淚望君垂。

李攀龍

與劉憲使過子與大佛寺

西湖斜日淨風烟。北嶺崑崙出半天。磴道乍從空外
轉。樓臺已入鏡中懸。塔分西域銅餅勢。石紀秦宮錦
纜年。白社但須彭澤酒。青山不用華家錢。波搖玉樹

堪雙映。月上疎林好獨眠。我醉自在君莫訝。平生
敢謬周旋。

謙榛

金堤同張明府甫賦

金堤重到感西風。瓠子猶思漢武功。雉堞遙連千樹
暝。龍珠下見一潭空。菱荷老盡飛霜後。蕭管寒催落
照中。白髮滄洲幽事在。黃花綠酒故人同。謝安此日
遊山劇。潘嶽當年作賦工。無數峰巒秋色裏。高歌相
對欲爭雄。

王世貞

贈徐汝思統山東民兵

除紙纜看出建章。長繩便擬縛名王。相逢明月樓中
 嘯。小出春風陌上桑。六郡良家紫駟馬。二齊擊技綠
 沈槍。揮毫坐奪燕支色。橫槊全收瀚海霜。龍額但誇
 金印大。虎頭休恨玉關長。調笑青州王節度。年年書
 記滿胡林。

同日得承天曾丈參知及其子以三中丞

蜀中書

山城幕府歎離居。朋舊青雲積漸疎。湘浦春深誰附
 鴈。蜀江南下不通魚。方愁晉代浮沈語。併得殷侯父

子書。隻字造從倡雪後。寸牋裁自浣花餘。銀鈎並美
 看難辨。玉案雙甌愧不如。益部只今徵小許。鳳毛池
 上莫教虛。

避暑園居得長律二十句

今年毒熱異常年。似為吾園稍見蠲。謝客琴樽寬約
 束。親人魚鳥恣留連。已多苔色侵衣上。時有松聲到
 枕邊。鬢就雙溪長。跡月疊成三島別。藏天鶯花得所
 朝。偏麗鰕菜趨時魁。更鮮中散酒鎗盛。沈瀝右軍書
 筆走雲烟。絃中白雪非江右。篋裏青山是輞川。大雅
 詩歌篇九十。古文金石卷三千。乍談颯爾涼風至。小

坐條然。犬火捐。見說長安饒炙手。可容分借北窗眠。
殷子以七言長韻見投。聊抒鄙懷。奉答凡

二十韻

憶昔翩翩鄴下游。當時七子許應劉。狂來走馬傾三
市。醉裏停鞭傲五侯。薄官浮雲工變異。新詩真宰泣
雕鏤。玉摧寧望全於瓦。弦直元輪曲似鈎。搖首中原
無劍客。戢身滄海有漁舟。懷將池艸難成夢。種就堂
萱不改憂。解艾未須援塞馬。誅茅翻擬愧巢鳩。行藏
懶就先生卜。姓字甘從醉尉留。頗為酒饒祛物態。豈
緣書就減窮愁。長林艸坐啣啣鹿。急浦萍眠汎汎鷗。

盛世老農兼老圃。殘年尋壑復尋丘。縱憐折節因
難實。恐偷生重十羞。此日澗源多慷慨。何人方朔立
沈浮。春迴白雪三湘色。天拆黃河萬里流。意氣百年
誇燕領。功名十上散貂裘。衰梨我解毋蒸食。和壁君
堪再暗投。吹出墳荒殊更苦。操成山水若為甯。連城
價益秦王殿。大國香從楚客州。寥廓雕盤爭健翼。康
莊驥逸騁華韉。衡門久自疎車騎。蒹鋏今真犯斗牛。
去爾隻身終五嶽。微吾片語失千秋。

穆考功 諱文熙

萬曆十五年黃河水溢直逼城下環抱經

旬賦此自慰

馮夷怒擊鼓。闐闐轟地。孤城水際懸。共道宜房決。瓠
子誰堪禹。甸失桑田。廣陵未盡枚。生賦灑酒。直傳子
美篇。勢捲銀潢。疑撼地。風排濁浪。欲兼天。平疇派壓
千家。產第屋波沈。萬井烟。屬王驕。飛鳴短堞。支祈競
脫走長川。虛思驅石。凌滄海。實少乘槎。切斗躔。泛宅
不辭茗雪。上圖書。擬借米家舡。

徐中行

黃河道中別吳生

賦別河梁。思不禁。愀然斜日。變春陰。艱危未盡。秦庭

哭。放逐仍同。楚澤吟。風雨北來。三輔暗。雲霞南入。九
江深。窮途豈礙。車天翼。散地偏增。玩世心。知已千秋
高。白雪論交。四海失黃金。相期後會。從藜杖。祇恐名
山也。陸沈

張九一

奉甯子順春日見憶之作

雙鯉俄傳漢水濱。遙緘尺素問沈淪。風烟滄淚瀟湘
遠。歲月艱危放逐頻。哀鳳那能終戀楚。敝貂贏得且
辭秦。歸來多難無青鬢。老去相思滿白蘋。美爾雄飛
關社稷。貽予高唱動陽春。艸芳鸚鵡題詩處。秋滿蒹

葭載酒辰。取醉幾曾妨。落帽罷官猶自為。霑巾。一麾
 已是池中物。三黜真同柳下人。獨嘆飄零是作客。淡
 悲遇合興如神。江湖寂寞音書斷。恨望雲天馬駟新。

明詩正聲卷之十五

終

明詩正聲五言絕句目錄

| | | | |
|-----|----|-----|----|
| 高啟 | 二首 | 楊基 | 三首 |
| 楊維禎 | 一首 | 袁凱 | 一首 |
| 王恭 | 二首 | 姚廣孝 | 一首 |
| 李夢陽 | 七首 | 何景明 | 二首 |
| 徐禎卿 | 二首 | 邊貢 | 二首 |
| 孫一元 | 三首 | 袁孝 | 二首 |
| 李先芳 | 三首 | 謝榛 | 二首 |
| 王世貞 | 三首 | 穆考功 | 四首 |
| 宗臣 | 四首 | 吳國倫 | 二首 |
| 梁有譽 | 二首 | 盧柟 | 一首 |

蔡汝南

一首

李化龍

三首

王穉登

一首

右得二十三家共詩五十五首

明詩正聲五言絕句目錄終

明詩正聲卷之十六

漆園

穆光胤仲裕

刪訂

澶淵

陳素蘊仲獻

校刊

五言絕句

高啟

龍門飛來峰

風吹峨眉雪。東依此山住。我來不敢登。只恐還飛去。

蔡村田家

田中耒聲歇。烟火西林起。獨立候歸人。柴門夕陽裏。

楊基

咏眉

雙彎畫得勻。烟柳闌輕鬢。莫對初生月。嫦娥妬殺人。

殘雪

庭雪半消殘。猶存吐臘寒。春風如有意。留待隔年看。

闕州

珠玉賭牙籤。爭奇手自拈。一籌矜獨勝。袖有謝公髯。

楊維禎

續弦言

麟角煮為膠。續弦弦在舌。下寧弦主箭。莫射孤飛鴻。

袁凱

絕句

春衣裁剪罷。密葉間穠花。縫到鴛鴦處。行行線腳斜。

王恭

鷓鴣

綠樹殘春外。雙飛錦翼齊。長沙有遷客。莫向雨中啼。

題葡萄

斗酒別涼州。明珠落貝丘。似將寒露影。添作漢宮秋。

姚廣孝

懷師子林因上人

自作京華游。每憶林間屋。何以自當爾。長空一語沒。乍

楊白花二首

三月大路旁。綠楊弄芳春。可憐雪白。花來往送行人

二

寧唱采菱曲。休歌楊白花。菱生猶有蒂。花去落誰家

聞笛

白日掛雲間。誰家玉笛閒。北風吹楊柳。落葉滿關山

正月見鴈

憶昨辭京邑。相隨南鴈歸。如何早春日。獨見北鴻飛

龍沙見新月

每說沙如月。龍蟠作後山。如何今夜月。卻又學沙

送入

頗訝楓林赤。無風葉自鳴。來人與歸客。同聽不同情

船板牀

船板胡在茲。而我寢其上。情知非江湖。夢寢亦風浪

何景明

白雪曲二首

梅花開雪中。相看鬪奇絕。常教雪似花。莫遣花成雪

二

駿馬黃金鑣。胡鷹赤錦絛。風搏千里翮。雪點五花毛

徐禎卿

答獻吉

花發平章宅。鶯啼省樹春。殷勤花鳥意。愁殺獨游人。

鳳鳴亭

鳳鳥期不來。瑤華幾錯歇。唯有山中。人吹簫弄明月。

邊貢

山中雜詩

下馬古寺門。偶與山僧遇。相對兩不言。蟬聲在高樹。

西園

庭際何所有。有萱復有芋。自聞秋雨聲。不種芭蕉樹。

孫一元

喜晴

鳥鳴隔籬落。雨脚上翠微。閉門吟正苦。客來為解圍。

睡起

睡起散幽躅。荒岡春日西。野雲飛不起。寒壓竹枝低。

班婕妤

執扇歌初歇。開簾艸又新。如何雙燕子。占斷六宮春。

袁孝

迴鴈峰作

北鴈不南去。南人今北歸。故鄉愁尚遠。欲與鴈同飛。

李攀龍

杖

十載相攜處。白雲知幾重。莫經葛陂道。風雨去為龍。

李先芳

秋閨

開簾見月明。昨圓今復缺。休照流黃裙。上有同心結。

客夜

空牀坐淒清。佳人渺何許。不省是他鄉。依依夢中語。

覽鏡

一種鬢邊愁。化為鏡中雪。初見令心塞。轉盼令心熱。

謝榛

閨意日宮詞 詞六 殿子 只念來今幾變不更日無去

紈扇已涼秋。紅顏欲消歇。夜深下玉階。獨拜梧桐月。

長恨曲寄許解元

湖中荷有花。苦心風露裏。無人歌采蓮。落日秋風起。

王世貞

登閩闔行戰地有感

北風吹海色。飛上姑蘇臺。欲問吳王事。秋濛麋鹿哀。

宿碧雲寺

幽人夜無寐。初月銜山閣。不見月光出。但見松影落。

題畫

雲作斷續峰。煙爲濃淡樹。借問此中人。寧知此中趣。

穆考功

雲鶴堂

小構名雲鶴。儵然絕世塵。不是籬邊鷄。無勞慕弋人。

題秋江鮑釣

鮑坐盤石上。西風吹白首。問情豈在魚。薄試絲綸手。

滑縣

聞道白馬來。河決瓠子口。滄桑今幾變。不見白馬走。

集虞世南宅

水雲看不盡。處處有溪山。衆鳥誰家過。高林紫鳳還。

宗臣

聽笛

客有羌中笛。十月吹楊柳。楊柳不可見。春色在君手。

湖上雜言二首

白雲有樵者。攜酒至山家。春風好同來。爲吾掃落花。

二

秋雲下斷鴻。暮雨鳴叢竹。湖上一樽酒。共酌寒波綠。

夜立

秋風天外聲。明月江中影。幽人把桂枝。露下衣裳冷。

吳國倫

惆悵詞二首

人言種玉難。不如種花好。誰道同心花。變作斷腸草。

二

蔦蘿附青松。恨不日千尺。常恐歲寒時。綢繆不如昔。

梁有譽

東林寺前作

寒日照流水。颯風吹古樹。遙聽暮鐘聲。依依度江去。

秋日雨中過黎氏山房

步履越臺上。誅苑越臺下。越王復何在。松風自瀟瀟。

盧柟

隴水曲

隴山當回起。隴水向西流。中含妾。墮淚幾日到涼州。

蔡汝南

靜霽軒

海宇不知淵。百歲身茫茫。唯有靜中人。天空日月長。

李化龍

魯班門

巧絕天公手。平分一段雲。有詩不敢道。羞澁為班門。

萬里橋

明詩正聲卷之十六
得意駟馬歸。失時萬乘過。得失成古今。波上長虹臥。

薛濤井

可知濯錦水。孕出能言鳳。多少宦遊人。盡作乃州夢。

王穉登

宗將軍戰場

有家全募士。無骨可封侯。負卻生時相。班超是虎頭。

明詩正聲卷之十六 終

明詩正聲七言絕句目錄 凡二卷

第一二十八家共一百三首

高啟 六首

楊基 二首

徐賁 二首

倪瓚 三首

楊維禎 二首

張以寧 一首

汪廣洋 二首

劉基 二首

顧瑛 一首

王恭 五首

李東陽 二首

吳寬 一首

王九思 一首

王廷相 一首

鄭善夫 一首

楊慎 四首

陳沂 一首

文徵明 二首

解縉

一首

王寵

一首

唐順之

一首

羅洪先

一首

李夢陽

二十四首

何景明

十三首

徐禎卿

三首

邊貢

七首

薛蕙

四首

孫元一

九首

第二二十五家共一百五十六首

李攀龍

二十首

王世貞

十九首

謝榛

十五首

穆考功

十四首

石星

三首

李先芳

九首

蔡可賢

五首

王世懋

二首

盧柟

三首

宗臣

十一首

吳國倫

五首

徐中行

三首

梁有譽

二首

皇甫汈

二首

蔡汝楠

三首

王問

一首

馮惟訥

一首

吳維嶽

一首

俞憲

一首

張佳胤

三首

張九一

十三首

李化龍

八首

屠隆

七首

王穉登

三首

千若瀛

二首

右通得五十三家共詩二百五十八首

明詩正聲七言絕句目錄終

明詩正聲

七言絕句目錄

卷文官

明詩正聲卷之十七
七言絕句一
漆園
穆光胤仲裕
瀆淵
陳素蘊仲獻
校刊
雲山樓閣圖

明詩正聲卷之十七

七言絕句一

高啟

少年行

下直平明出禁門
咲提博局伴王孫
寶刀不敢輕輕輸
卻。明日沙場欲報恩

雲山樓閣圖

明詩正聲卷之十七
七言絕句一
漆園
穆光胤仲裕
瀆淵
陳素蘊仲獻
校刊
雲山樓閣圖

碧樹香臺錦繡連。畫師應見亂離前。如今風景那堪寫。廢寺空山鎖暮煙。

次韻張仲和春月漫興

蘇小墳前柳似烟。秋千人靜夕陽天。獨騎款段尋詩去。嫩蕊看花衆少年。

二喬觀兵書圖

共憑花几倦新粧。玉女陰符讀幾行。銅雀那能鎖春色。解將奇策教周郎。

期袁卿見過因出失值寄詩謝之

非關遠出負幽期。自是江邊枉棹遲。誰道空迴君恨

切。未應如我到家時。

期諸友看范園杏花風雨不果

欲尋春去怕春休。又值春陰不得遊。寂寞西園風雨裏。杏花比客更多愁。

楊基

春暮西園雜興

疎疎簾影漾微波。庭戶無人鳥自過。一樹楊花三日雨。池塘春水綠萍多。

登宋宮故基

上皇宮殿碧參差。嗟我來登見廢基。盡道河邊金線

柳腰肢猶似李師師

徐賁

折蓮子呈孟載

落盡紅衣見綠房。折來猶帶水雲香。柔絲零落芳心苦。未及秋風已斷腸。

送方給事

南風花滿荔枝林。路出湖山百嶂深。惟有白雲長在眼。三千里外寄歸心。

倪瓚

吳中

望中烟艸古長洲。不見當時麋鹿遊。滿日越來溪上水。流將春夢過杭州。

聞竹枝歌因效其聲二首

鈿山湖影接松江。橘葉青青柳葉黃。要寫新愁寄音信。西風斷鴈不成行。

二

江流不住楚山青。船到尋陽幾日程。不忍寄將雙淚去。門前潮落又潮生。

楊維禎

宮詞

金屋秋深露氣涼。宮監久不到西廂。丁寧莫竊寧歌
笛。鸚鵡無情說短長。

盼盼

塚上白楊今十年。樓頭燕子尚留連。銅臺多少丁寧
恨。誰向西陵望墓田。

張以寧

蘇公赤壁

赤壁江寒葉漸稀。黃泥坂靜鷺斜飛。洞簫聲裏尋
月。應照千年化鶴歸。

汪廣洋

嶺南雜錄

石鼎微熏茉莉香。柳瓢滿貯荔枝漿。木棉花落南風
起。五月交州海氣涼。

蘇溪亭

蘇溪亭上艸漫漫。誰倚東風十二闌。燕子不歸春事
絕。一汀烟雨杏花寒。

劉基

次韻和王文明漫興

芙蓉湖上夕陽低。楊柳枝頭一鳥棲。獨倚闌干看山
色。白雲飛過若耶溪。

過蘇州

姑蘇臺上垂楊柳。曾為張王護禁城。今日淡烟芳艸。重暮蟬。猶作管絃聲。

顧瑛

自贊

儒衣僧帽道人鞋。到處青山骨可埋。還憶少年豪俠。興五陵。裘馬洛陽街。

王恭

長信宮落花

淡宮花謝使人愁。片片隨風滿御溝。妾命自憐花共。

薄君恩。那似水東流。

題方壺道人山房

洞門一逕入烟霞。九曲溪泉繞洞斜。鐵笛一聲山月。冷獨騎黃鶴。問仙家。

老馬

百戰殺場老此身。長楸官艸幾回春。只今棄擲寒郊。路猶自悲鳴。戀主人。

秋山

絕頂風凄萬木黃。露寒雲白色蒼蒼。夜篴一片藤蘿。月照見。天河水氣涼。

為鄭彥林題放圖

躑躅花殘野水生。間吹蘆管應同聲。州木不帶新豐雨。高臥雲根聽特鳴。

李東陽

夜合花

夜合枝頭別有春。淨含風露入清晨。任他明月能相照。飲盡芳心不向人。

虞美人

按劍孤營落日昏。楚歌聲裏漢兵屯。當時國士無存者。獨有虞姬不負恩。

吳寬

咏南內新柳

綠嫩遙看夏碧柔。非烟非霧曉難收。牆高不使花飛過。卻化浮萍出御溝。

王九思

壬戌元宵應制

瑞燄燒空駕彩輦。清平調裏樂聲高。東風早散霓裳舞。只恐宵衣聖體勞。

王廷相

皇上平南凱還歌

詔下團營大點兵。我皇親作冠軍行。九夏壓地橫船
去。八月橫天劍戟明。

鄭善夫

送人之鬱林

鬱林東下對秋桑。黑霧沈山日暈黃。鷓鴣啼上桄榔
樹。一寸癡心萬里長。

楊慎

滇海曲二首

沙金海貝出西荒。桃竹檀華貢上方。香像渡河來佛
子。白狼樂木拜夷王。

二

海濱龍市趁春會。江曲魚村弄鮑霞。孔雀行穿鸚鵡
樹。錦鶯飛啄杜鵑花。

素馨花 舟茉莉

金碧佳人墮馬妝。鷓鴣林裏鬪芬芳。穿花貫縷盤香
雪。曾把風流惱陸郎。

夏夕

湘水魚鱗冷。篔簹文。博山蟲篆罷。鑪薰開。應對影。延新
月。坐愛金波洗火雲。

陳沂

明詩正釋 卷之十七 七

放內苑諸禽

多年調養在雕籠。放出初飛失舊叢。祇為恩深未能去。朝來還繞上陽宮。

文徵明

丙戌出京題謝諸送客

別酒淋漓滿路岐。酒闌無柰客東西。多情獨有斜陽色。一路殷勤送馬蹄。

暮春遊石湖

郭外南湖一鏡開。吳宮烟艸暗荒臺。遊人不與興亡事。只記溪名是越來。

解縉

市橋會郭千戶

沙磧茫茫塞脚肥。桔槔峰上暮烟飛。交河北望天連海。蘇武曾將漢節歸。

王寵

初夏

夏木沈沈綠蔭濃。後峰鶯語應前峰。石林曲几間清息。消盡浮雲意萬重。

唐順之

塞下曲

健兒白馬紫金鞭。不向沙場便酒樓。夜來一賭青錢盡。尚有囊中血鬪髒。

羅洪先

石峰僧

石耳峰前古寺秋。逢僧留宿話裴休。有人問汝因緣事。莫道前生是石頭。

李夢陽

聖節聞 駕出塞

千官北首望龍旂。萬國車書集鳳闈。八駿穆王秋色遠。幾時親擁白狼歸。

過王子

率爾高陽飲博徒。酣歌擊劍膽何危。簾前貴客如相許。徑脫鸚鵡裘付酒壚。

夏口夜泊別友人

黃鶴樓前日欲低。漢陽城樹亂烏啼。孤舟夜泊東遊客。恨殺長江不向西。

送王呈貴之邑

二月扁舟過浙西。楚雲何日度涪溪。滇南小郭青山繞。花發流鶯一樣啼。

別達生

明詩正聲

卷之十一

七

全宋文

醉約金山看海流。興飛江漢忽西游。龍沙月色年年滿。獨照匡廬萬仞秋。

贈鮑激兄弟

水學青龍左右盤。玉流雙瀉碧光寒。蘭昆並占空山月。分掣虹霓作釣竿。

贈劉君按察雲南二首

碧雞金馬古黔陽。滇海秋搖日月光。自此蠻中無毒熱。行臺六月有飛霜。

二

揚子灣頭紅蓼秋。水邊樓閣樹邊舟。一日長風破萬

里為君三醉過瓜州。

歸途覽詠古蹟

泉。泉。丹崖倒碧松。懸泉一道挂飛龍。閑磨石鏡驚山鳥。映出青天封雪峰。

舟次石頭口

窻開面面水風微。五月江空冷照衣。此艇果如天上坐。茶烟化作綵雲飛。

登嘯臺

白日紅雲拂地流。醉鄉吾亦步兵遊。登臺左盼黃河轉。綠水洪波不盡愁。

明詩正卷 卷之十 九 全文 舍 齋

夏日閑宴

地曠樓雄夏日宜。碧梯芳樹繞花遲。清歌不用邀明月。一咲山河入酒卮。

城南塘汎舟

短短桃花亦自春。隔牆飛水太驚人。沿河不怕漁郎入。小小溪塘不是津。

白鼻騮

羽箭銀鞍白鼻騮。春日徐行踏落花。楊鞭突入章臺去。背指垂楊問酒家。

絕句

將軍鐵騎戰金微。八月長安盡搗衣。砧聲欲落三更月。翡翠樓頭鴈卻飛。

題趙仲穆袂彈圖

東風挾彈小城春。遊騎飛韁不動塵。道上相逢休借問。衛家兄弟霍家親。

諸將

聞說當時掃地王。威名朔漠陣堂堂。自稱大將張旗鼓。首控驕驪出戰場。

春日漫興

明詩正聲 卷之十七 七 全宋詩

東門百花紅照天。獨樹梨花更可憐。但看絃管朝朝急。不道春風不費錢。

漁父

應手扁舟去若飛。回流撒網倏成圍。金鱗翠鬣心俱切。得意誰先蕩棹歸。

何景明

秋日雜興

寒蟬啼斷槿園空。萬樹凋傷八月中。只有南山蒼桂在。一株花發向秋風。

二

雨花風葉總堪憐。海燕江鴻各渺然。莫向高樓空望暮。蟬多在夕陽邊。

三

荻岸秋江似畫圖。風高沙雁起相呼。何如莫去瀟湘上。借爾煙波畫引雛。

四

竹靜沙寒野日低。門前秋艸不成蹊。山禽汝亦何多事。來向棠梨樹上啼。

雞鳴曲

雞鳴城中滿樹霜。青樓旭日照流黃。鳴箏錦瑟秋塵

裏玉鴈金蟬共一行

二

樓上羅幃映早霞。不須重闔鏡中華。春蘭秋菊皆零落。等似萑蒲不作花。

任洪器艸亭

舊徽澹院無行跡。風到開門掃綠苔。明月滿庭香襲襲。野塘新水藕花開。

諸將入朝歌

大將龍旗朝帝京。至尊親遣貴臣迎。侍中獨領嫖姚部。戰馬皆歸龍虎營。

二

戰士歸來蓋武冠。紫纓騮馬跨金鞍。可憐萬國城頭月。照見沙場白骨寒。

送韓汝慶還關中

華嶽雲臺萬里情。高秋落日眺秦城。黃河一線通滄海。身在仙人掌上行。

苦熱行

赤地驕陽艸不生。河潭霹靂虛懶龍。驚聲已后羿非夸。父莫放青天十日行。

終南篇

離宮別館舊京華。表裏關河屬漢家。二閣天圍青錦障。五臺雲湧石蓮花。

畫竹

誰開素練寫烟梢。欲采琅玕奏玉簫。猶憶鳳凰池閣上。坐聽風雨下層霄。

徐禎卿

擬古宮詞

君王無事日臨戎。韎韐親調白王弓。千騎紅袍齊扈蹕。臂鷹遙出建章宮。

二

千場博博回魚鎖重重向暮開。遙聽雲中催催鼓。君王何處打毬來。

送方山人

巖子灘頭花落時。水清雲碧淨漣漪。孤舟相逐飛花去。一日看山到武夷。

邊貢

迎鑾曲

揚子江頭駐六師。太平天子賞功時。紅雲影亂黃龍艦。白日光搖繡虎旗。

二

朝落江門煙水秋。雲帆八月過揚州。兩京馳道三千
里。夾岸垂楊接御溝。

贈北山周子

華髮青袍不染塵。宦程廻復主恩新。縣人爭說中都
宰。曾向雲霄許貴人。

東潭窳子將赴潛山以棋几留贈

荒涼棋社隔秋春。世事年來著著新。眼底相逢論成
敗。誰知當局苦人心。

送顧侍御出守馬湖

露冕南征火井西。東過瀘水北泥溪。借問鄉愁何處

切平山明月子規啼

習池

習家池上艸萋萋。流水成渠稻作畦。山簡不來遊客
散。居人猶唱白銅鞮。

峴山

大樹蕭蕭白日寒。羊公祠下獨凭欄。尋常一種山青
石。長使行人洒淚看。

薛蕙

春日漫興

艸芽半吐參差碧。花蕊初開淺淡紅。安得黃金高北

斗盡輸青帝買東風

宮詞

禁園處處鎖名花。步障層層簇絳紗。斟酌君恩似春色。牡丹枝上獨繁華。

二

閒倚欄干看柳條。可憐渾似董嬌嬈。東風何處吹桃李。空費心情學舞腰。

山館

山館蕭條客到稀。幽人暇坐披衣。日長燕子下窗。語風靜楊花自在飛。

孫一元

桃源圖

溪上春風咲語溫。溪頭春水漲新痕。中原逐鹿人誰在。桃葉桃花自一村。

與殷近夫放舟江心對月

挂帆半夜受天風。白幘高歌海月中。千古閒情誰領略。一杯今與使君同。

寄青空道人

斗酒長歌對夕曛。相思無那隔重雲。夜來夢到西湖路。白石灘頭鶴是君。

明詩正聲

卷之二十七

七

奎文館藏

荷中

宓妃乞與波間碧。馮仗南風為剪成。試著翹涼溪上坐。道人真得愛蓮情。

飲龍井

眼底閒雲亂不開。偶隨麋鹿入雲來。平生於物元無取。消受山中水一杯。

席上偶成

楊花燕子弄春柔。醉倚芭蕉暎未休。依舊清風明月好。買瓶吹送過滄州。

秋夜

林屋無入月正明。惟憶欹枕聽魔輕。一秋詩句知多少。聽盡蕭蕭葉上聲。

南窗下芭蕉盛開五月蕭然有秋意

道入生意山中足。養得芭蕉四五枝。儘取幽涼供穩睡。還分秋色與新詩。

中酒閉門一月偶出晚步

燕麥花開春亦移。道人扶杖下山時。獨醒免使漁翁笑。捲葉分泉當酒卮。

明詩正聲卷之十七

明詩正聲卷之十七

明詩正聲卷之十八

明詩正聲卷之十八

漆園

穆光胤仲裕

刪訂

澶淵

陳素蘊仲獻

校刊

七言絕句二

李攀龍

宿林泉觀

盥漱焚香坐翠微。煙霞猶在芰荷衣。怪來不作人間夢。一夜寒泉拂牖飛。

湧泉菴

明詩正聲卷之十八

錦陽川上女僧家。紅樹蕭蕭白日斜。弟子如雲人不見。可憐秋老玉蓮花。

觀獵

十月霜清紫兔肥。浮雲不競鐵驄飛。半酣驅逐諸年少。盼子城東看打圍。

殿卿別業

負郭田荒勸客耕。隣家酒熟任逢迎。只今何異英門卒。枉殺梁鴻變姓名。

止酒

五柳先生鹿酒巾。蕭然東壁掛青春。遠公此日應相

笑也。學蓮花社裏人。

早夏示殿卿

湖上青山遶屋斜。蕭條重柱使君車。到來縱遣柴門閉。只在東鄰賣酒家。

宿開元寺示諸子

三十年前住此峰。白雲流水見相從。那知此日東林會。更聽開元寺裏鐘。

汝思見過林亭

五柳陰陰逼酒清。一杯須見故人情。明朝馬上聽黃鳥。不似樽前喚友聲。

贈鄭將軍之銅江

漢將承恩意氣多。樓船十道下牂牁。憐君本自山京妙。更許何人繫尉佗。

二

銅柱遙臨幕府高。武陵溪水日滔滔。桃花不及驪騮色。併與春光照錦袍。

席上送元美

碧天無盡白雲孤。到日扁舟落五湖。不見薊門秋艸色。愁心明月滿姑蘇。

送子相歸廣陵

廣陵秋色雨中開。繫馬青楓江上臺。落日千帆低小度。驚濤一片雪山來。

送右史之京

桃花美酒鳳凰樓。公子乘春作宦游。寒食不知何處過。總無風雨亦堪愁。

懷明卿

豫章西望彩雲間。九派長江九疊山。高臥不須窺石鏡。秋風憔悴侍臣顏。

寄元美

匣裏龍泉北斗文。攜來燕趙客如雲。自言此劍千金

買不是窮交不借君

寄吳明卿

秋色蕭條何處寄。居體中。今日定何如。從他幾載風塵吏。不作平津相府書。

重寄伯承

桃花不似玉顏紅。紅顏影揚蛾入漢宮。纔說長門人便老。黃金無賦買春風。

哭子相

清秋不盡客依依。夢裏闌天挂劍歸。莫向延平津口度。恐教馬風雨一龍飛。

輓王中丞

司馬臺前列柏高。風雲猶自夾旌旄。鑿鑿不是君工意。莫作胥山萬里濤。

二

幕府高臨碣石開。薊門丹旆重徘徊。沙場入夜多風雨。人見親提鐵騎來。

王世貞

從軍行

鬪臂歸來六博場。城中白羽募征羌。相逢試解吳鉤看。已是金河萬里霜。

馬首垂楊折送行酒闌長楫塞刀橫軍中最是多兒
弟不唱陽關第四聲

竹枝歌

橘綠橙黃香滿枝夔頭醜玉鱸銀絲山中磨日由來
少知是江南九月時

蓬萊閣二首

東望鼉磯植漢高坐來峰嶼小秋毫不知雲霧連波
長漫道任公已釣鰲

二

高城鐘鼓喚蒼茫海若銜波浴太陽綺色中天徐散

盡空青一點是扶桑

大明峰

獨龍雙炬破南荒散作峰頭萬疊光縱有天雞若莫
聽不煩紅日起伏桑

丹竈峰

縹緲僊踪未可非至今猶說彩雲飛
祇愁天地終須盡煉得丹成無處歸

渡黃河偶成

銀作天河玉作隄河流倒挂與天齊
可憐拋向窻窰頂一到人間濁似泥

明詩正集卷之八

卷之八

清明日偶成

穠李夭桃各鬪新。傷心眼底上墳人。生憎介子成寒食。破損風光一卜春。

燕

曾逐東風入紫微。翹拋江海滯烏衣。空誇萬里封侯領。還傍人家門戶飛。

九日完縣署中

空庭吏散鎖秋梧。不獨黃花事事無。最厭耳邊重九字。天涯兄弟各茱萸。

贈張躬甫

紅羅絳綵不勝春。昨夜承恩雨露新。行過桂宮休扇怕。教愁殺尹夫人。

穆考功德甫早歲乞休。惟以讀書苦吟為

事。今年擬少陵秋興八首俾其子光胤集

右軍書畫之見寄走筆為謝

遲鴻臺畔檀三餘。良治為箕也不踈。欲識自相師友

意。少陵秋興右軍書

二

羊家小婢學夫人。到底悲歡下屬身。爭似姪何粧洗盡。自然水玉離風塵。

戚將軍贈毒劍歌

毋嫌聲價抵千金。一寸純鈎一寸心。欲識命輕恩重處。灞陵風雨夜來深。

二

曾向滄流刺怒鯨。酒闌分手贈書生。芙蓉澁盡魚鱗老。總爲人間事漸平。

誅萬日忠并詢之

一唱天雞海日紅。中原曙色滿千峰。無端更遇姑蘇客。依舊青山夜半鐘。

過中山視故人趙參議時廢疾者十二年

矣

多買城南種秫田。匡床擁被日陶然。真成四醉中山酒。不踏人間十二年。

初入朝屈指去國十九年矣有敬馬子髮白

耆耶以自嘲

禿節漁陽去不還。當時無夢更朝天。莫驚客髮如蘇武。若個能禁十九年。

謝榛

俠客行

曉來獨酌酒家樓。擲下黃金不掉頭。走馬西山射豺

胡詩正筆 卷之二十八 李天 命

虎風霜吹滿錦貂裘

塞上曲

旌旗蕩野塞雲開金鼓連天朔雁回落日半出追點
虜。彎弓直過李陵臺

二

窮邊寒日慘無光沙州連天走白狼百戰健兒爭射
獵。秋風躍馬黑山陽

胡笳曲

沙磧茫茫黑水流胡兒六月換羊裘駱駝背上吹蘆
管。風散龍荒作冷秋

二

石頭獻火炙黃羊胡女低歌勸酪漿醉殺羣胡不
夜。居延城外月如霜

古怨

阿郎裘馬欲從軍空說邊庭有戰雲夜夜青樓買歌
舞。愁人風雨不曾聞

怨歌行

長夜生寒翠幕低琵琶別調為誰悽君心無定如明
月。纔照樓東復轉西

訪葛徵君

西城間訪葛洪家。籬落秋餘白荳花。高枕自知無俗
夢。數椽茅屋在烟霞。

西嶽吟

漠漠秦雲望欲迷。好乘鴻鵠過關西。盤空鐵索三千
丈。玉女峰頭日月低。

大梁雜興

飛樓縹緲暮雲間。上有紅妝竟日閑。遙望玉驄馳九
陌。魏家公子射鴈還。

春閨

羅衣初試薄寒生。生豈蕊花開感別情。零落鈿華君不

見畫樓春雨燕雙鳴。

漁翁

青竹翠頭一釣絲。高風應與子陵期。夜深醉臥秋江
上。夢繞蘆花明月知。

宿香山

淡夜無眠風露清。天移北斗坐間橫。幽人不作紅塵
夢。月照空山鶴一聲。

園菊爲馬所齧

籬邊馬齧幾叢芳。卻換風塵首病腸。從此相憐有陶
令。一鞭秋色過柴桑。

秋暮登九龍山

興來攜酒一登攀。滿徑秋花照客顏。醉舞天風人不見。白雲飛度九龍山。

穆考功 諱文熙

塞下曲

少小胡姬學漢裝。滿身貂錦壓明璫。金鞭驕踏桃花馬。共逐單于入市場。

二

落日鳴笳散虎罷。黃金駿馬兩相宜。獨憐一種關山月。曾照蛾眉出塞時。

少年行

貂裘雪滿踏寒威。薄暮南山射虎歸。相逢醉尉無須問。明日邊城羽檄飛。

二

月滿長城戰色高。涼州新酒瀉葡萄。醉來斬得呼韓首。直向河源洗寶刀。

臨濮曲

隄外女郎踏落紅。連翻其作綺羅叢。周南學士無相訝。此地由來是衛風。

荷池

綠樹千章蔭覆山。州堂淡倚藉花灣。貪看野色忘歸去。似覺吾生比鳥間。

琴歌

馬上空篋競狹斜。江洲止解賦琵琶。可憐一種高山調。誤殺人間幾伯牙。

題垂釣者

石勢巉峴碧水流。何人高卧著羊裘。千年始悟嚴陵好。閒盡興亡一釣鉤。

上高相公

解印歸來歲幾經。角巾常傍少微星。山中宰相無塵事。鳳浴年年州自青。

事鳳浴年年州自青

寄蔡憲副

燕丹當日客如雲。環柱真恩志已勤。七首千年還在否。邯鄲戰重欲問徐君。

寄劉別駕

半刺風流英妙時。水為肌骨水為姿。從來玉貌偏承寵。未許重勾八字眉。

送張肖甫還蜀

日載蜀山嗟未歸。一時麟蟒換初衣。蠶叢萬里巴江水。何物如君著釣磯。

明詩正卷之十八

贈韓晉勳司理德安

雲夢天寒日色幽。湘流不盡古今愁。定知司理平反後。無復南冠泣楚囚。

以佩劍貽傅侍御

古劍匣藏歲已深。每從風雨作龍吟。燕丹門下原知客。一縷寒光是此心。

石星

萬壽節

憶昔聯班觀壽闈。御爐香焰靄金扉。逢時欲上千秋鏡。雲水蒼茫隔帝畿。

二

山城鐘鼓似長安。萬歲聲高殿陛寒。霧散曙星饒北望。祥光長發五雲端。

塞下曲

絕塞黃塵沒錦鞵。陰山昨日射鵬旋。西風忽報狼烟起。又向祈連逐左賢。

李先芳

宮詞

緋桃半落柳絲長。管領東風燕子忙。玳瑁梁間棲不定。又隨春色過昭陽。

明詩正卷之十八

怨歌行

胡姬十五夜當壚美酒春生白玉壺
啼盡寒鴉人不
到。高樓空鎖月明孤。

征婦詞

曾誇一箭定天山。霞帔金璫擁翠鬟。
但願常為箕箒婦。早教生入玉門關。

寄李于鱗

山中光景足。蹉跎花落。花開幾。嘯歌莫買漁舟釣。明
月江湖亦自有風波。

送維揚王生游秦中

燕山朔雪暗胡沙。又逐秦雲聽暮笳。
不念廣陵橋上月。玉人腸斷落梅花。

建康道中

十年執戟待明光。千里分符下建康。
明月不禁秋色老。向人頭上灑飛霜。

雨中看海棠

為憐芳樹點春紅。幾度憑軒坐雨中。
一捏嬌姿無限好。不須開口笑東風。

詠范蠡

霸越歸來計未窮。扁舟遙泛五湖東。
傍人不識鴟夷

子只當三齊一富翁

閨意

阿郎空自解談文。文似何人薦子雲。聞道田文能好士。為郎繡箇孟嘗君。

蔡可賢

出塞

龍冠穹廬第一流。自矜嬌小不知愁。誰憐黑水陰山外。別有胡姬嘆白頭。

長風吹蓋下青山

長風吹蓋下青山。親與單于定約還。忽憶白頭蘇武

屬也應心折。雁門關

平寧真

五月王師大合圍。石如雨下矢如飛。健兒不識書生面。半夜挑燈認繡衣。

前屯次韻

力盡謀窮內變生。無須血刃下堅城。等閒一曲黃河水。誰信強於十萬兵。

十年高臥白雲間

十年高臥白雲間。三載長驅紫塞間。西到河湟東到海。一天明月萬重山。

王世懋

夏日田家雜興

艸席繩牀夜不眠，
飢涼新浴坐青天。
月明一片禾頭露，
看作長坡十里煙。

山行即事

滿目殷紅躑躅新，
流光偏感宦游人。
南中氣暖花開盡，
三月翻疑不是春。

盧柟

長春觀

紫極清壇道士家，
間騎白鹿弄雲霞。
蕭臺齋旒金光

艸春殿虛無玉樹花

雲中曲

將軍羽箭射天山，
閃日旌旗出漢關。
夜月欲開青海嶂，
秋風先到白龍灣。

二

大將遙分西顧憂，
魚腸寔劒雪花流。
陰風漫捲賢王陣，
白蠶曾縣克汗頭。

宗臣

送王元美使江南

千門羽檄正紛紜，
搖落西風此送君。
匹馬關山秋色

裏胡笳吹斷萬峰雲

二

袖中雙鈿削芙蓉到處秋雲幾萬重南去不須頻出
視恐令白日下蛟龍

送葉令之蒲圻

錦木曾傳茂宰名分符又向武昌城瀟湘春色隨君
到千里靡蕪一夜生

贈余德甫奉使兩浙

秋雲鳴珮入金華綠眼仙人掃落花無數石羊餐古
雪知君已到赤松家

得顧洛陽書卻寄

七月垂纓出建章前門秋艸怨古霜相思化作長堤
柳一夕春風遍洛陽

寄贈方隱君

洞簫吹破嶺雲高玉女峰前採碧桃三千六天風露
冷臨行解贈赤霜袍

席上留別高伯宗

萬里江花拂石橋孤槎去弄廣陵潮雲中倘遇崑崙
子寄爾秦時碧玉簫

華陽明月曲同子與賦

明詩正聲 卷之十八
無數星辰檻外看。月中環珮近珊珊。天風忽送霓裳曲。搖落千峰翡翠寒。

過采石懷李白

采石磯頭坐白雲。歸來瑤艸落紛紛。夜深吹笛江亭上。明月窺人恐是君。

席上勸助甫

檻外春雲控紫駟。腰間明月冷吳鉞。酒酣把贈天風起。吹作湘江白鷺秋。

白雲雜著

赤城花落掃春氛。夜夜仙人弄白雲。雜佩幽蘭何處

得洞庭明月問湘君

吳國倫

明妃曲

玉關西去馬長鳴。不獨琵琶作苦聲。最恨胡兒誇在事。漢家曾困白登城。

答用晦

匡山一臥萬峰低。吳楚乾坤望欲迷。五老白雲堪贈汝。天風吹入大江西。

牡丹

三月羣芳汝亦芳。憑誰呼取百花王。開來不著人間

色落生猶聞天上香

寄遠曲

海門孤鶴影蕭蕭。萬里歸樓珠樹遙。何事弄珠人不
返。欲鞭秦石駕飛橋。

望夫石

月寫雙蛾霧結衣。望夫山上望夫歸。朝雲歲歲含愁
散。暮雨年年作淚揮。

徐中行

送宗子相還廣陵

霜落江空楓葉凋。接天寒色廣陵潮。清宵憶爾聽鴻

處。明月揚州第幾橋。

文筆峰

秀拔瓊林迥不羣。千尋霜穎拂青雲。午風吹破江淹
夢。散作雲霞五色文。

哭醉石山人朱邦憲

誓將七尺報相知。一諾南山坐可移。不信但看墳上
草。青青長自飭要離。

梁有譽

北山訪梁思伯諸子不遇

竹塢無塵日已曛。數聲啼鳥隔花聞。平蕪一望涼風

起吹落江城萬樹雲

二

此日相期汗漫遊。獨尋猿鶴北山頭。池塘花落無人管。空鎖蟬聲一院秋。

皇甫汈

送僧之楚

千里雲隨一錫孤。楚山深處是荊巫。湘江秋盡多蘭芷。咲採幽房當折蘆。

永興寺散步

帝城西覓古叢林。萬木寒垂六月陰。庭下閒花齋後

偏門前空水定時心

蔡汝南

上梅子坡入蜀境有懷憲副陸丈

白浪槎牙渡峽看。捫參入蜀萬峰攢。我來郎是君經處。何日逢君說路難。

宿青蓮公館

四望層峰倚碧天。一區方廣帶流泉。分明宅是蓮花座。莫道官身不是禪。

閱呂仙圖仍詠黃梁遺跡

夢斷纔應識故吾。謝師相勸出迷途。不知師遇黃龍

後還與盧生說夢無

王問

贈茅山道士

曾向華陽洞口過。二峰高處白雲多。仙房隱隱依嵩竹。清夜經聲出薜蘿。

馮惟訥

皋蘭觀兵

露骨山前月色高。夜聞胡騎在臨洮。將軍未挂平羌印。獨倚長虹看寶刀。

吳維嶽

江上聞笛

誰家短笛弄高秋。暗逐江風到客舟。愁處不知鄉路近。梅花飛盡水悠悠。

俞憲

送同年萬楓潭南都兵諫

天子屢頒蠲稅詔。官家猶索舊緡錢。東南財力君親見。肯負匡時第一篇。

張佳胤

華陰送李道士

高秋明月照秦山。東去浮雲不可攀。已遣天風吹紫

氣為余相送過函關

夜過朱會憲省署

深秋門掩玉繩低。鴻鴈天風過碧雞。曾是一京題柱客。如何同到夜郎西。

二

時事相逢一拊膺。虛空盡語亂秋燈。鄉心共寄昆明水。下盡巴渝更秣陵。

張九一

經玉碑廢寺

黃金為字玉為碑。蘭若初聞錫杖隨。歲久天花不作

雨荒臺時見白蛇垂

留別陳思俞兼答之赴涼州之作

胡天不斷朔風來。白州蕭蕭畫角哀。一曲涼州歌未罷。黃雲飛上赫連臺。

過商山謁四皓廟

窈窕雲蘿四望春。縱逢天子不稱臣。漢儲未定身還出。始信當時為避秦。

臯蘭逢李本寧戲贈

春風開府紫薇郎。賦就西征二十強。調笑玉門班定遠。入關何事鬢如霜。

日暮觀敬甫拱辰角射

西風木落下燕關。易水叢臺指顧間。任使夜行逢醉尉。且隨射虎過南山。

藍橋

斷橋疎樹夕陽殘。藍水潺湲繞七盤。一自仙人曾種玉。至今明月不勝寒。

月夜聞笛

十載皋蘭三出師。角巾歸策鬢如絲。那知今夜關山月。卻向中原笛裏吹。

送鄭憲使開府上黨

何江飛狐殺氣波。不辭結客盡黃金。金發鳩山上。麟糝衛知爾驅馳報國心。

望陵陽洞

誰開靈竅萬峰巔。一逕藤蘿日月懸。雲色堪留巢父隱。囊中恰辦買山錢。

寄翁孺叅先生時總理河道

元年雷雨倒黃河。今上親裁瓠子歌。詔下東山徵謝傅。傳陽侯先為靜風波。

二

春水初生匹練開。承恩副相再登臺。海門直北三千

里十道軍儲夾岸來

答元美

白雲一片落蒼梧。化作三江復五湖。愁倚長風歌九辨。不堪秋色滿姑蘇。

寄樊僉憲一賢

同是三湘放逐臣。歸來猶自厭風塵。長沙日落秋陰滿。愁殺當時痛哭人。

李化龍

亂歌答郭中丞

玉靶雕弓號伏飛。關前談笑破重圍。天聲動地旄頭

落。一夕三軍盡錦衣。

二

橫磨十萬吐霜花。風攪軍聲咽暮笳。越甲方鳴寧愛歎。匈奴未滅敢言家。

三

樓船一夜散荊荆。絃管春聲人懼歌。瘴雨蠻烟新日。月。錦江玉壘舊山河。

四

布穀聲催春艸萋。愁心無復夜郎西。洗兵不用天河水。風送巴江下五溪。

隋隄

錦帆無復返。天涯隱隱長隄陣。陣沙最苦。垂楊風雨夜。兩行清淚怨。瓊花

代內答

楊花如雪。艸萋萋。獨守閑門日又西。九日清齋一日醉。誰能慣作太常妻。

塞下曲

黃沙萬里接榆關。繡帽將軍奏凱還。可咲漢家無別策。只驅紅粉度燕山。

二

黃龍東去海雲低。殺氣連天望欲迷。生得胡兒被上夜。淡一騎到遼西。

屠隆

山居雜興

傍山結屋借烟霞。松裏藤蘿映月華。曉起不知風露冷。提壺汲水自澆花。

二

屋角桃花生紫烟。茅齋無事日高眠。家童不敢呼山客。喚取啼鶯近枕邊。

三

琳宮翠巘宿風。氣鶴唳天空。自聞昨夜石樓。總不
閉曉來飛入滿床雲。

四

雨過紅蘭徑。艸深惜花不是道。人心饒他。一夜風吹
卻好放黃鸝住綠陰。

五

莫言風骨類仙人。滿屋烟霞本是貧。愛飲青谿山
果向來麋鹿是前身。

塞下曲

鐵騎橫行大漠空。將軍羽箭插長虹。單于臺上看秋

色獵獵旌旗捲北風。

二

在隨都護出行邊。斬得胡頭馬上懸。萬里無人沙月
白。霜前獨枕大刀眠。

王穉登

織錦辭寄侍兒

燈前織錦雨吹窗。忽憶行人未渡江。織出鴛鴦才一
半。待郎歸日始成雙。

湖上梅花歌

虎山橋外水如烟。雨暗湖昏不繫船。此地人家無曆

日。梅花開遍是新年。

金陵曲

新詩一首當纏頭。遍醉金陵十二樓。贏得佳人稱薄倖。還如杜牧在揚州。

于若瀛

清泉寺

滿谷西風椒葉稀。穿林片片東風飛。荒原車馬應無數。間殺高僧在翠微。

金陵春

十二天街月正饒。翩翩裘馬狎春宵。遲明絃管聲逾

急。不道風流減六朝。

明詩正聲卷之十八大尾

昭代學明。海內嚮風。楮紳家好讀明人之詩。但憾此方舶上所齎書篇不多而坊刻亦不過三數部。維賈妙齡博好唐宋諸賢詩。晨夕耽玩。然茫乎未知其津涯。而竟熟視明詩。超然其轂律純正。唐人的派矣。頃歲得穆光胤明詩正轂一帙。吟弄度年。其玉戛金鏘。純乎格調。真唐人之遺響在此矣。嗚呼。詩之道。豈易言哉。因知是書風騷之士。不可不讀。然而華本觀罕。貴介公子。

雖有藏書珍襲帳中。不許劉覽。夙聽其名。遍求不獲。今幸得焉。脫簡尚多。賴東州一書記竊閱抄大家所藏補之。速命劑剛氏聊加一言卷末以記刻成之歲月云

皇和享保丙午春盡日

京華瀨尾維賈題於用拙齋中



享保十一年丙午五月日

明詩正聲跋
陳賦一守家未以時陳賦之類凡云
書寫錄閱妙大家西漢蘇軾之類命隋臨
法本不難今幸得新刻間尚多遺東洲
雖有錄書愈難求中不若舊本其

明詩正聲跋

詩之貴選尚矣唐不經選則或
靡或巧靡即上等於梁陳巧即
下入於中晚必汰靡刪巧令純
存其大雅而唐之為初成者始
見故高新寧以正聲題唐選

而成爲正聲者也穆仲裕君稟
其律令以選明詩而明詩之爲
初盛者亦始見雖二百餘年作
者項背相望或有遺焉不及選
選焉不及盡者譬之溟渤之大
觀成則乘鴈集不爲多雙鳧飛

不爲少矣吾師陳際陽公惧其
襲爲筍中珍也遂鐫行之期於
共標是詩爲明之初明之盛以
勤成一代偉業豈曰僅唐選之
踵已哉

會稽商周履題



